

Communicaziun a las medias dals 8 d'avrigl 2025

La BCG ha fidanza en las cumpetenzas da la Cassa da pensiun dal Grischun

La Banca Chantunala Grischuna (BCG) sa chapescha sco patruna prospectiva e conscienta da la responsabladad. Quai sa manifestescha er en sia ambiziun strategica da garantir a sias collavuraturas ed a ses collavuratur:as segirtad da provediment optimala. En quel connex sa fida ella da las cumpetenzas da la Cassa da pensiun dal Grischun (CPGR).

Grazia ad adattaziuns structuralas èsi reussì a la CPGR d'augmentar cleramain sia attractivitat ils ultims onns. Ella persvada cun in'offerta multifara, prestaziuns da provediment modernas e cumplessivas ed ina structura finanziaria solida. Da nov pussibilitescha la CPGR plinavant soluziuns individualas per patrun:as e lur collavuratur:as assicurat:as. Las novas soluziuns vegnan apprezzadas sco element da success central – tranter auter era da la BCG.

La BCG ha qua tras pudì optimar vinavant ses provediment professiunal ed uschia influenzar a moda positiva sia attractivitat sco patruna. Grazia ad ina flexibilitad pli gronda po l'entir concept da provediment vegnir adattà a moda anc pli specifica als basegns da la BCG. Cun auters plects: il personal profitescha da prestaziuns da ristga cumplessivas e confurmas al temp sco era da meglras prestaziuns da vegliadetgna, en spezial grazia ad in tschains attractiv.

La CPGR cumprova uschia da realisar a moda adequata e moderna projects cumpless e da disponer dal know-how necessari. Ella ha l'ambiziun da sa metter en per ils basegns d'affiliaziuns existentas sco era novas affiliaziuns a la cassa da pensiun, e quai cun s'orientar a las soluziuns ed a l'avegnir.

Daniel Fust, CEO da la BCG, ha plaschair da la soluziun elavurada en stretg barat cun la CPGR: «Noss partenadi cun la Cassa da pensiun dal Grischun è dapli ch'ina cunvegna sin palpì. El è l'empermischun a noss:as collavuratur:as che nus s'empatschian da lur avegnir. Cun la CPGR da nossa vart avain nus ina ferma partenaria che gida nus ad ademplir questa empermischun.»

In'istorgia da success: sco instituziuns autonomas da dretg public dal chantun Grischun han duas partenarias fermas surpiglià communablamain lur responsabladad instituziunala en e per il Grischun. Grazia a questa colliaziun han ins stgaffi ensemen ina «soluziun grischuna» sco term impurtant per l'avegnir.

Contact:

Bernhard Kobel, bernhard.kobel@gkb.ch, telefon +41 81 256 88 01

Gianna Meier, gianna.meier@gkb.ch, telefon +41 81 256 83 25

Banca Chantunala Grischuna, chascha postale, 7001 Cuir | medien@gkb.ch / gkb.ch/medien

Banca Chantunala Grischuna.

La Banca Chantunala Grischuna porscha tut quai ch'i dovra per ina banca universala moderna – per persunas privatas, l'economia ed il maun public. L'interpresa cun sedia principala a Cuira è represchentada en passa 40 lieus en il Grischun. Cun var 1'000 collavuraturas e collavuratur è la BCG ina da las pli grondas patrunas en il chantun. Sia attaschadadad al Grischun exprima ella en moda multifara. Ultra da sias activitads economicas s'engascha ella era cun ses sponsoring, ses fonds d'engaschament, sia collecziun d'art e sia lavur voluntara.

La BCG dispona da participaziuns da maiortad da la banca privata Bellerive AG e da la Albin Kistler AG. Plinavant è ella l'acziunaria unica da la BZ Bank Aktiengesellschaft. Il scrit da participaziun da la BCG è quotà a la bursa dapi il 1985. L'onn da gestiun 2024 è il chantun Grischun sa participà cun 103.7 milliuns francs incl. l'indemnisaziun per la garanzia statala (report.gkb.ch).

Termins:

Rendaquint semestril 2025:

31 da fanadur 2025